

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎՐ

Ապրիլի 27-ին ակադեմիայի նիստերի դահլիճում տեղի ունեցավ հանրապետության գիտությունների ակադեմիայի ընդհանուր ժողովը: Իր բացման խոսքում ակադեմիայի պրեզիդենտ Վ. Հ. Համբարձումյանը նշեց, որ անցած տարի հանրապետության ակադեմիայի գիտական և գիտակազմակերպական գործունեության զխավոր նպատակն էր ժողովրդական տնտեսության զարգացման տասնմեկերորդ հնգամյակի առաջին տարվա պլանից և անտազա հեռանկարներից բխող խնդիրների իրագործումը: Գիտությունների ակադեմիայի գիտական հիմնարկների և մյուս ստորաբաժանումների կուլեկտիվների աշխատանքի մակարդակի հետագա բարձրացման համար չափազանց կարևոր նշանակություն ունեցան ՍՄԿԿ XXVI համագումարի և Հայաստանի կոմկուսի XXVII համագումարի որոշումներում, կուսակցության և կառավարության որոշումներում բովանդակվող դրույթներն ու հետևությունները: Ելնելով գիտության առջև դրված այդ կարևորագույն խնդիրներից, ակադեմիայի կազմակերպությունները մշակեցին գիտահետազոտական աշխատանքների պլաններ, ճշգրտեցին իրենց հետազոտությունների հիմնական ուղղությունները: Ժողովրդական տնտեսության հետագա զարգացման շահերը պահանջում են գիտական մշակումների բարձր մակարդակ և որակ, դրանց ներդրման արագացում, եվ պետք է ասել, որ այդ ուղղությամբ զգալի քայլեր են արվել:

Վ. Հ. Համբարձումյանը խոսեց նաև հասարակական գիտությունների ինստիտուտների գործունեության մասին: Նշելով պատմության, արեվելագիտության, հնագիտության ու աղագրության, գիտական ինֆորմացիայի, տնտեսագիտության ինստիտուտների գիտական կոլեկտիվների ստեղծած հետաքրքրական աշխատությունները, նա մասնավորապես կանգ առավ այն խնդիրների վրա, որ տնտեսագետները լուծում են սլանավորման ու կանխատեսման քննազավառում:

ՍՍՀՄ կազմավորման 60-ամյակի կապակցությամբ էլ ավելի են ամրապնդվել կապերը միութենական հանրապետությունների և սոցիալիստական երկրների գիտությունների ակադեմիա-

ների հետ: Մասնավորապես համառոտ ակադեմիաներ են կատարվում Վրաստանի, Բելոռուսիայի, ինչպես նաև Բուլղարական Ժողովրդական Հանրապետության ակադեմիաների, Հունգարական Ժողովրդական Հանրապետության և ուրիշ երկրների գիտական կազմակերպությունների հետ:

Հայկական ՍՍՀ գիտությունների ակադեմիայի 1981 թ. գիտական և գիտակազմակերպական գործունեության հիմնական արդյունքների մասին ղեկուցումով հանդես եկավ Հայկական ՍՍՀ գիտությունների ակադեմիայի ակադեմիկոս բարտուղար, հանրապետության գիտությունների ակադեմիայի ակադեմիկոս Գ. Ա. Գալոյանը: Զեկուցման շուրջը ծավալվեց մերթերի փոխանակություն: Այնուհետև հանձնվեցին ՀՍՍՀ ԳԱ պարգևները: Գիտական բեզուն գործունեության համար «Մեծարման գիրք» պատվոգրեր հանձնվեցին ՀՍՍՀ ԳԱ ակադեմիկոսներ Մ. Ք. Զայլախյանին և Ս. Ա. Համբարձումյանին: Գիտության զարգացման ասպարեզում խոշոր ավանդ ներդնելու համար «Վաստակագիր» պատվոգրեր ստացան հանրապետության գիտությունների ակադեմիայի ակադեմիկոս Գ. Մ. Ղարիբյանը, ՀՍՍՀ ԳԱ թղթակից անդամներ Լ. Մ. Զանփուղայանը, Վ. Ս. Նալբանդյանը, Ա. Մ. Գասպարյանը: Մի մեծ խումբ գիտնականների հանձնվեց «Գովեստագիր» պատվոգիր՝ գիտահետազոտական հաջող գործունեության համար:

Տեղի ունեցան Հայկական ՍՍՀ գիտությունների ակադեմիայի փոխպրեզիդենտների, բաժանմունքների ակադեմիկոս բարտուղարների ընտրությունները: Փոխպրեզիդենտներ ընտրվեցին ՀՍՍՀ ԳԱ ակադեմիկոսներ Ա. Ղ. Իսախանյանը, Ա. Ռ. Հովհաննիսյանը և Վ. Բ. Գոսնարյանը: Ակադեմիկոս բարտուղար ընտրվեց ՀՍՍՀ ԳԱ ակադեմիկոս Գ. Ա. Գալոյանը:

Հայկական ՍՍՀ գիտությունների ակադեմիայի ընդհանուր ժողովին մասնակցում էին ընկ. ընկ. Կ. Ս. Գեմիրճյանը, Բ. Ե. Սարգիսյանը, Յ. Տ. Սարգսյանը:

Մ. ԱՆԿՍՏԱՆՅԱՆ